

佛學叢刊第一輯之十七

淨土晨鐘

世界書局印行

重刻淨土晨鐘敘

明萬曆中。雲棲蓮池大師宏淨土之教。一時學士聞風響應。多著書羽翼蓮宗。若袁中郎。唐宜之。莊復真輩。不可一二數。及大師西逝後。餘風所被。代有述者。若荆谿周君所集淨土晨鐘。亦其一矣。是書雜引古德文句。而折中於雲栖。其激勸之指。至詳且切。譬諸良醫處方。唯求去病。固不必方從己出也。州牧李侯。夙慕蓮宗。發宏護之願。偶得是書於雲龍僧舍。信好甚篤。將重刻行世。而屬敘於余。夫淨教源流。修行軌則。諸師所述備矣。余何以加諸。獨是李侯以良吏善理。煩治劇。爲上官所倚重。其於出世之道。宜有所不暇及。顧亟亟焉爲此舉者。豈常見所能測哉。何尙之對宋文帝曰。百家之鄉。十人持五戒。則十人淳謹。千室之邑。百人修十善。則百人和睦。傳此風教。以周實區。編戶億千。則仁人百萬。夫能行一善。則去一惡。惡既去。則息一刑。一刑息於家。萬刑息於國。此坐致太平之術也。其言可謂通達識治體。然則李侯宏護之心。從可識矣。我朝列聖相承。欽崇三寶。而雲栖一宗。尤所眷顧。世宗歷選古德。殿以蓮池。我皇六幸雲栖。申章褒美。豈不以此教之行。其於勝殘去殺之風。亦猶益膏助火。順水張帆。事半功倍。寧獨出世階梯云爾哉。然而出世之要。莫切於此矣。是心作佛。是心是佛。此觀經之直指也。憶佛念佛。現前當來。決定見佛。此首楞嚴之方便也。充是道也。人發菩提。家修淨業。觀慈尊於魏闕。會上善於棠陰。轉五

濁成淨土。蓮華香氣。塲塞虛空。永息苦輪。常遊壽域。此尚之所未及陳者。
而豈非李侯之願哉。遂書以敘之。
大清乾隆五十七年閏月長洲彭紹升撰

淨土晨鐘自序

戊巳之交。予輯金剛法華持驗諸紀。又以佛法中。最簡捷而通貫者。莫如淨土一門。因取古今之書。表章是教者。裒其精要。類而編之。曰晨鐘。意欲用世人之朝氣。警甜夢者而鼓鐘之焉耳。冬初書成。予不揣。竊取名賢論述之意而爲之序。序曰。

如來爲一大事因緣。出現于世。大事者何。生死是也。如來憫衆生。沉迷而指以出離之途。卽示以遄歸之所。曰大慈。曰能仁。以其仁慈我衆生。而名之也。允哉。乃衆生不自仁慈其身。畢世沉迷。以悖如來之教。茫茫生死波中。淵深而海闊。周行震旦都。如過銅人沒處。頭髻長出。嗟嗟有聲。不亦哀乎。今夫人之朝而必夕也。暑而必寒也。幼而必壯。壯而必老。老而必死也。自古及今如是。苟夫人之朝而不爲夕謀。暑而不爲寒謀。必羣詣其愚。獨自幼至壯且老。而濱死。不知爲之謀。其愚不又甚乎。然人之不知謀死也。非昏而忘之。則畏而諱之耳。忘之而卒至。諱之而終不我貸。則雖欲忘且諱之。而庸可得耶。且人之畏死。又非真能畏死者也。當其羣焉而生。羣焉而長。類焉而老。以死。相相焉。遽遽焉。而愛河慾海之溺人無已時。名利輻鎖之牽人無已時。一旦灰寒。火傳薪換。臨了一局。誰人能免。自茲以往。滅滅生生。六道三途。如轉轆轤。又誰人能免。跡其所爲。日相尋于生死之業。而不求解脫之方。謂之慙不畏死可也。真能畏死者。必求解脫生死之方。

求解脫則舍念佛。何途之從。舍淨土。吾誰與歸。念佛生淨土。則得解脫。得解脫。則超然生死之外。亦脩然生死之中。而又何死之足畏。是能真畏死者也。是能畏死謀死。而終得無畏者也。是能了當大事者也。是能不憚大慈能仁之教者也。夫世人而可免夫生死則已。世人而不免夫生與死也。則淨土之業。其可以不修。而是書其可以弗讀也哉。

或曰。淨土人人可修。則了當生死之法。顧若是易乎。曰。中庸言達道達德。舉生知安行。而繼以學困勉強成功之一。以聖凡無殊性。故孟子又曰。道一。可見此法非難非易。其實人人可爲。卽經所謂衆生是淨土。及衆生煩惱心中。皆具如來德相是也。般若經云。滅度無量衆生。實無衆生得滅度者。蓋度人只在自度。內修淨土法門者。雖止自度。而使人皆學此法門自度。其爲度人也不旣多乎。故未悟者勿論。卽已悟而必自我度人。其度也小。我不必作度人相。而卽以自度者度人。其度也大。度而無度。般若所云。旨不出此。然則論淨土者曰。欲度衆生。必先自度。猶止說得一半。

或曰。今人喜談卽濁卽淨。不如捨濁取淨之有實益。是圓則如別乎。曰。念佛門中。諸根畢攝。理悟同歸。能捨濁取淨。而卽濁卽淨之理。亦具其中。圓莫圓于是。故卽濁卽淨之說。尙是假圓。而此淨土之圓爲真圓。或曰。惟心淨土之說。誠謬乎。曰。否。究竟只是惟心淨土。書中千萬語。無非欲人皈依佛。皈依佛。無非心卽佛耳。蓮師最駁撥土言心之說。而曰一心不亂。是阿彌陀經之訣。是心是佛。是心作佛。是觀經之訣。可知心佛合一。故能一心

不亂。不亂之心。卽是作佛之心。卽是無住平等之心。卽是惟心淨土之心。故維摩經云。欲得淨土。但淨其心。眞鐵板語。不容顛撲也。

或曰。然則古今諸大知識。痛辨惟心之說者。非歟。曰。否。從來言者之失。徒在空談此心耳。不思惟心淨土。不可說現成空頭話。須有修爲工夫。在念佛求生淨土。正是修悟自性惟心之功夫處也。此方念佛淨土華嚴。念佛心弛淨土華嚴。鮮萎一由佛之念與不念。念佛須是心念。安得謂惟心之說之有謬乎。故凡執心而議土。與夫執土而議心。其失均也。大梅云。任伊非心非佛。我只是卽心卽佛。吾亦曰。任伊非心非土。我只是卽心卽土。請卽以質之蓮池龍舒諸老何如。若云。此亦是隨人脚下盤旋語。則宜一併掃去道。不是不是。

觀經以十大觀爲正因。而又言三福三種心等。都不復及修觀。以方便多門。六度萬行。皆可回向西方故。又末法般舟三昧經先滅無量壽經更留蓮池。謂稱名易學。觀想難成。般舟先觀足輪。亦觀經類耳。而六字稱名。則三尺童子辦之。故無量壽經偏救末世。由是觀之。如來設教。不可謂不寬淨土之門。不可謂不廣。獨稱名一法。簡要可以通行。故古今尊宿。往往單提此門耳。

須知理外無事。淺外無深。故利鈍兼收。非難非易。若會事歸理。則三福等俱人實相。卽是妙觀。卽稱名與觀想。非屬二心。其歸亦一。且法何有末。末法云者。人末之。世末之也。先滅云云者。或預懸以示儆。欲不以世與人之

未而未法耳。非爲是便當舍難趨易也。但學者從一門而入。專勤爲之。淨業自成。不可于同堂中自生秦越。崇此而抑彼。

是故有理而無事者。非法之至。是境而非心者。非法之至。可深而不可淺。可別而不可圓者。非法之至。可權而不可實。可聖而不可凡。可自爲而不可與人共爲者。均非法之至。且而學無生即無滅。生與死二乎。了妄即真。真與妄二乎。溪山異而明月同。禪與淨二乎。卽十萬億國土而彈指可生。遠與近二乎。以足指按地而成金色世界。娑婆與極樂二乎。難勝何非清泰之鄉。瞿曇得無法藏之後。釋迦與阿彌二乎。常寂光中。遍包三土。而土土相資。同居與寂光二乎。法之至者。聖凡一也。物我一也。理事心境一也。深淺一也。權實一也。別圓一也。以至一死生。一眞妄。一穢淨。一遠近。一釋迦彌陀。一娑婆極樂。一同居寂光。夫是之謂一心不亂。

果能依是眞實做去。始也攝心而念佛。念佛則心自淨。心淨則土隨淨。大慧禪師云。人于一日中。心不馳求。不妄想。不緣諸境。便與三世諸佛諸大菩薩相契。卽此火宅塵勞。便是解脫出三界之處。修淨土者。宜亦如是。靠住一佛。心心無間。行之既久。便可將四大所合之身。一拳粉碎。四大所合之世界。一脚踢翻。然後隨所聞見。鳥語蟬吟。牧歌樵唱。卽西方之無常苦空。法音天樂也。竹籬茅蓋。卽西方之金臺樓閣也。飛泉鳴巖。卽西方之寶池德水。埜芳嘉木。卽西方之寶網交羅。妙華天雨也。明師良友之儔。木石鹿豕之侶。卽西方之諸上善人也。何苦何樂。何順何逆。何邪魔。何三毒等。

煩惱目前。純是淨土。則未來之決定往生可知。到得厭世時。無怖無亂。不支不吾。怡然拱手。歸來故鄉。不必問此際佛來迎與否。能預知時日否。聞異香奇樂否。總是生平得力處。到此決用得著。決有好消息。上品上生無疑也。雖然。此等嘵嘵。皆爲未看破人打之邊耳。人但看得破。守得定時。凡苦樂淨穢。疑信辨難。紛紛之說。且教一筆勾却何如。

順治己亥陽月。陽羨淨業弟子周克復。盥沐謹譔。

勸流通淨土晨鐘引

經典所在。流通卽屬善緣。福報無量。故語云。能以大乘法傳一人者。當十善。傳十人者。當百善。傳大貴人。大豪傑。大力量者。當千善。重刊廣布者。當萬善。况淨土法門。超出生死輪迴。永不退轉。直至成佛而後已。是勸一人修淨土。乃成就一衆生作佛也。凡作佛者。必度無量衆生。彼所度之衆生。皆由我而始。其福報信不可窮盡。故欲勸一切見者聞者。廣大其心。以佛之心爲心。使人人知之。而盡生淨土。龍舒所言。自宜諦信不誣。至法華華嚴二經。尤佛說妙法中之最上乘。觀音大士。普度世間無刹不現。往賢感通事跡。歷歷昭然。各爲纂集。以勸進修。斯誠鈴鐸方來。津梁末路之最方便門也。戊戌秋。予輯金剛持驗。已有流通小引。敬懇同人。茲刻淨土法華華嚴。觀音持驗諸紀。搜採載籍。徵信古今。頗殫心手之微勞。用志皈依於不朽。但拙刻板在此地。未能廣傳他省。既並生莊嚴佛土之中。安可缺法事流通之勝。復告當世善信。獲見諸本。不吝廣爲刻施。或仍原本。或易新編。其見聞所及。有關持驗者。尤冀續緝於後。一句讚揚。卽是一句護持。善根。一念鼓動。卽是一念消弭罪業。於以續佛慧命。自利利他。所謂護法諸神。既護法寶。自護弘法載寶之人。斷斷不爽。昔賢爲肇窠圖。勸人念佛。後以他人念佛多生淨土。乃歸功施圖之人。亦得生淨土。法施功德。不可思議如是。願與同人共勗之。

同善道人克復敬懇

淨土晨鐘目錄

晨課

觀經上品上生章

般若波羅蜜多心經

楞嚴大勢至念佛章

念佛願文禮拜
三版俱同夕課

夕課

佛說阿彌陀經

往生淨土呪

念佛文 禮拜三版

又慈雲願文

善導臨睡入觀文

原始第一

阿彌陀佛成佛……………一

阿彌釋迦分現淨穢……………一

佛爲韋提希說淨業……………二

九品往生……………二

龍樹菩薩勸念佛……………四

念佛十種功德……………四

淨土往生之因……………五

阿彌度生之因……………五

釋迦勸人念佛之因……………七

釋迦開導淨土之因……………七

四土往生本末……………八

三界六道輪迴本末……………一〇

啓信第二

淨土有益生前……………一一

淨土不妨俗事……………一二

淨土佛無妄語……………一三

淨土一念必生……………一三

淨土腳踏實地……………一四

淨土非仙可比……………一五

淨土因果不妄……………一六

淨土如明鏡日月……………一七

淨土正信爲要……………一七

淨土該戒定慧·····	一九	勸學者念佛·····	三五
淨土獨推阿彌·····	二〇	念佛法門篇四·····	
淨土苦樂相比·····	二一	十聲念佛誦偈·····	三八
淨土爲難信法·····	二三	十氣十念·····	三八
淨土了生死·····	二三	六時晨昏念佛·····	三九
淨土念佛有力·····	二三	懺罪念佛·····	三九
淨土諸聖尊宿同歸·····	二四	一相念佛·····	三九
勸修第三·····		攝心調息念佛·····	四〇
勸急辦大事·····	二七	參禪念佛·····	四一
勸活物活計·····	二八	總論持名念佛·····	四二
勸神隨業往·····	二八	總論念佛事理一心·····	四三
勸兜率不如西方·····	二九	禮念觀想·····	四四
勸宿債須還富貴易墮·····	三〇	觀想佛毫·····	四四
勸爲身後計·····	三一	一心三觀念佛·····	四五
勸佛心爲心·····	三二	論約心觀佛·····	四六
勸隨遇隨勸·····	三二	論一心三觀·····	四六
勸出世間孝·····	三三	論圓修三觀生四淨土·····	四八
勸人人念佛·····	三三	功行法門第五·····	
勸真實念佛·····	三四	孝養父母·····	五〇

慈心不殺	五一
持戒十善	五二
發菩提心	五六
讀誦大乘	五七
淨心行善	五七
奉行衆善	五八
布施以上正因	六〇
方便	六〇
廉儉	六一
不妄取財	六二
省口腹淫慾	六二
兼福慧	六三
不慕尊榮不辭輕蔑	六四
禮懺	六四
施食	六五
放生	六五
居官以上助修	六六
策進第六	六八
策願力	六八

策勇猛精進	六九
策攝心悟心	七二
策三種念佛	七三
策出家	七四
策在家	七六
策老者病者	七八
飭終第七	八一
飭臨終往生正念	八一
飭臨終三疑四關	八二
飭十念往生	八三
飭父母往生	八四
飭眷屬往生	八四
飭護病者	八五
飭自念佛度冤親	八五
飭臨終請衆念佛	八六
飭未終思終	八六
正辨第八	八八
辨生淨土救衆生	八八
辨見性悟道	八九

辨不修淨土五惑	九〇
辨禪淨同歸	九一
辨念佛有益參禪	九二
辨禪宗淨土遲速	九三
辨得悟正宜往生	九三
辨心境非二	九四
辨淨土專志西方	九四
辨念佛修觀非看相	九五
辨念佛不可輕視	九五
辨參究念佛	九五
辨念佛融通宗教	九六
辨念佛心性身名	九六
辨理事非二心	九六
辨宜繁宜簡	九七
辨往生早暮	九七
辨一念往生	九七
辨念力重大	九八
辨業性本空	九八
辨心量廣大淨土非遠	九九

辨自心佛現	一〇〇
辨不往而往無生而生	一〇〇
辨欣厭取捨	一〇〇
辨不信佛論	一〇一
附佛入中國考	一〇五
了俗第九	
了色身之妄	一〇七
如如顏丙文○無著○身有真 假○齊生死○用形骸得失	
了世染之妄	一一一
輪迴根本○蛇喻○對境○真空○四窮民 ○今日方聞○出家後出家○悟後有修	
了富貴之妄	一一四
了浮生之妄	一一五
了生死之妄	一二六
獄喻○防死○勾當自家事○ 醉生夢死○徹悟○生死根本	
了物緣之妄	一二九
六根○五蘊皆空○ 真性○應心用形	
了心念之妄	一二二
了邪教之妄	一二三
附寄庫 ○念經	

持驗第十

比正往生

一二七

慧遠○慧永○曇順○僧敞○曇恒○道願
○道徽○慧恭○慧虔○曇鑒○慧光○道
珍○曇鸞○智者大師○懷王○道綽○善導和尙
○法照○少康○懷王○懷感○辨才○大行○明
衡○附啓芳園果○志願○悟恩○主持○省常○達
瞻○智覺禪師○志願○子元○有嚴○智廉○基法
式微主○宗坦疏主○知禮○有嚴○智圓○可久
懷義○宗本○元照○慧亨○智圓○可久
○明本○善住○瑩珂○惟則○智度○梵
瑤○祖香○蓮大師
○黃州僧○海寶

宰官往生

一四五

劉程之○張野○王仲回○馬子雲○白居易
易○張迪○王龍舒○葛繁○胡闔○楊傑
○文彥博○馬玕○鍾離瑾○闕邦榮○魯
定國○馮楫○王敏仲○吳子才○蘇軾○魯
朱綱○顧寶幢○朱元正○丁明
登○唐時○附辨融覺浪余大成

士民往生

一五四

尼僧往生

一五七

關公則○周續之○孫良○庾鏡○宋繡○
王闡○范儼○孫忠○沈銓○計公○金爽
○郭熙載○唐廷任○楊嘉輝
○郭熙載○戈以安○孫大玠

婦女往生

一五八

墮后○葛濟之妻○姚婆○溫靜文妻○鄭
氏○王氏夫人○馮氏夫人○陸氏宜人○
樓氏○秦氏○鄭氏○于繼○方氏○薛氏
○張母○孫氏母○徐氏○楊選一妻○楊
公甫

惡人往生

一六三

張善和○雄俊○仲明○
吳瓊○陳企○附得囚

物類往生

一六五

鸚鵡○鴿○又雞

淨土晨鐘

荆溪同善道人周克復纂

男周石訂

吳郡潛確居士陳濟生參

原始第一

極樂是我故鄉。阿彌號爲慈父。故欲超生死。無如淨土一門。世人浸沒五濁窟宅中。如少亡之子。問其祖父里邑室廬。茫然不復記憶。雖欲向往。其路何由。今折衷經籍。溯其源流。庶樂國歷歷如在目前。而後信心可發也。述原始第一。

阿彌陀佛成佛之始

鼓音王經云。過去劫中。有國名妙喜。王名憍尸迦。祖父清泰國王。父月上轉輪王。母殊勝妙顏。時有佛出世。名世自在王。憍尸迦心發道意。棄捨國位。投佛出家。號曰法藏比丘。即阿彌陀佛又大彌陀經云。法藏比丘。於自在王佛所。發無上意。一切世間。無能及者。時佛說二百一十億諸佛剎上。應其心願。法藏稽首禮佛。廣說四十八願。具載本經若不爾者。誓不成佛。是時大地震動。天雨妙華。空中同聲讚言。決定成佛。

阿彌現淨土釋迦現穢土之始

悲華經云。往昔劫中。有轉輪王。名無諍念。大臣名寶海。爲善知識。同於寶

藏佛所發菩提心。無諍念發願云。我修大乘取於淨土。終不願於穢土。成阿耨多羅三藐三菩提。世界衆生無諸苦惱。我不得如是佛刹。乃不成正覺。今既果滿。號阿彌陀。故現淨土。寶海大臣願於穢土。成熟有情。今已果滿。號釋迦牟尼。於此濁惡世中。成佛菩提。

佛爲韋提希聖后說淨業正因

觀無量壽佛經云。爾時韋提希號泣向佛白言。世尊。願爲我廣說無憂惱處。我當往生。不樂閻浮濁惡世也。爾時世尊放眉間光。偏照十方無量世界。諸佛國土。皆於中現。韋提希見已。白佛言。是諸佛土。雖復清淨。皆有光明。我今樂生極樂世界阿彌陀佛所。惟願世尊教我思惟。教我正受。佛告韋提希。阿彌陀佛。去此不遠。汝當繫念。諦觀彼國。我今廣爲汝說。亦令未來凡夫修淨業者。得生西方極樂國土。欲生彼國者。當修三福。一者孝順父母。奉事師長。慈心不殺。修十善業。二者受持三歸。具足衆戒。不犯威儀。三者發菩提心。深信因果。讀誦大乘。勸進行者。如此三事。名爲淨業正因。佛告阿難及韋提希。諦聽諦聽。善思念之。

九品往生

觀經云。上品上生者。若有衆生。發三種心。即便往生。一者至誠心。二深信心。三迴向發願心。復有三種衆生。當得往生。一者慈心不殺。具諸戒行。二者讀誦大乘方等經典。三者修行六念。念佛念法念僧念戒念施念天迴向發願。願生彼國。具此功德。一日乃至七日。即得往生。○上品中生者。不必受持讀誦方等經

典。善解義趣。於第一義。心不驚動。深信因果。不謗大乘。以此功德迴向。求生極樂國。行此行者。即得往生。○上品下生者。亦信因果。不謗大乘。但發無上道心。以此功德迴向。願求生極樂國。行者命欲終時。即得往生。○中品上生者。若有衆生受持五戒。持八戒齋。修行諸戒。不造五逆。無衆過患。以此善根迴向。願求生於西方極樂世界。臨命終時。即得往生。○中品中生者。若有衆生。若一日一夜持八戒齋。若一日一夜持沙彌戒。若一日一夜持具足戒。威儀無缺。以此功德迴向。願求生極樂國。戒香熏修。如此行者。命欲終時。即得往生。○中品下生者。若有善男子。善女人。孝養父母。行世仁慈。此人命欲終時。遇善知識。爲其廣說阿彌陀佛國土樂事。亦說法藏比丘四十八願。聞此事已。尋即命終。即得往生。○下品上生者。或有衆生。作重惡業。雖不誹謗方等經典。如此愚人。多造惡法。無有慚愧。命欲終時。遇善知識。爲說大乘十二部經首題名字。以聞如是諸經名故。除卻千劫極重惡業。智者復教合掌叉手。稱南無阿彌陀佛。稱佛名故。除五十億劫生死之罪。即得往生。○下品中生者。或有衆生。毀犯五戒。八戒。及具足戒。如此愚人。偷僧祇物。盜現前僧物。不淨說法。無有慚愧。以諸惡業而自莊嚴。如此罪人。以惡業故。應墮地獄。命欲終時。地獄衆火。一時俱至。遇善知識。以大慈悲。即爲讚說阿彌陀佛十力威德。廣讚彼佛光明神力。亦讚戒定慧。解脫解脫知見。此人聞已。除八十億劫生死之罪。即得往生。○下品下生者。或有衆生。作不善業。五逆十惡。具諸不善。如此愚人。以惡業故。